

72418

廣德州志

卷一之卷三

山川	疆界	星野	建置
	鄉都	形勝	沿革表

史 230.115
139
部 2

廣德州志卷一

地域志

建置沿革 山川名蹟

沿革表

星野

形勝

疆界

周禮大司徒以天下之地圖周知天下之地域又曰凡建邦國以土圭土其地而制其域必言域者區分之使無混淆限斷之使無侵軼郡縣之與封建無異理也域定則雖境有析并名有變更而其山川城郭鄉里疆畛可指掌得矣故鄣舊隸丹陽自孫吳割屬吳興而秦鄣郡治長為廣德道路既分度屬江南其地與浙壤接孝豐長興如牙之錯銀林鐵冶固吾疆圉白石昂其前桐水貫其中荷湖瀦其後洵東南之雄郡也

建置沿革

廣德由縣而軍而路而府而州其名由桐汭而故鄣而廣德而石封綏安桐陳懷德廣興廣陽其所轄州郡由揚而南徐江南由鄣而丹陽而宣城廣梁陳雷桃宣江甯又故鄣由丹陽而入吳興綏安由義興而歸宣城安吉原鄉則分於漢復合於隋稱號既屬殷繁并析尤多糾擾萬歷志所載沿革多誤後人一再增修因襲不改惟乾隆元年重修江南通志考據精

核圖說及表敘列釐然允堪傳信謹首錄之惟是省州異例省不嫌略州不厭詳故復徵引史傳斷代分疏仍立表以便省覽其舊志失實者亦爲隨條刊正俾不泥於先入繁而不殺非得已也

江南通志廣德州禹貢揚州之域春秋時吳桐汭地戰國屬越後屬楚秦屬鄣郡漢置故鄣縣屬丹陽郡三國吳析置廣德縣屬宣城郡晉因之宋又析置綏安縣梁改爲石封縣置大梁郡尋改曰陳畱郡隋開皇初郡廢仍改石封爲綏安以故鄣廣德二縣省入屬湖州大業初

廣德州志

卷一

建置

二

改屬宣城郡唐武德初置桃州後廢至德初改綏安縣爲廣德仍屬宣城郡五代南唐改屬昇州宋太平興國中復屬宣州尋建廣德軍隸江南道東路端拱初置建平縣爲屬元至元中升廣德路隸江南道明初爲廣德府改廣德縣曰廣陽洪武四年爲廣德州直隸南京十三年以州治之廣陽縣省入領縣一

國朝因之隸江南布政使司康熙六年隸江南安徽布政使司領縣一

廣德自虞置十二牧以及周職方所掌皆揚州之域故要

服也春秋時吳桐汭在其地後越滅吳屬越戰國楚滅越復屬楚

左傳哀公十五年夏楚子西子期伐吳及桐汭杜預注宣城廣德縣西南有桐水出白石山李吉甫元和郡縣圖志云桐汭水在廣德縣西五十里詳見山川元混一方輿勝覽云郡名桐川廣德縣有桐水故名聞人詮南畿志引桐汭志云古郡名曰桐川曰桐汭江南通志云唐置桐陳縣亦取此為名案桐汭由來已遠其命名不可得知萬厯志云楚伐吳見桐花隨溪流下故名楊志因之

廣德州志

卷一

建置

三

作桐水記遂云桐花浮波入城爰有桐汭之號鑿矣史記揚州三代要服見武帝封廣陵王策楊門二志云廣德於古為荒服此據晉志也晉書地理志云揚州禹貢淮海之地舜置十二牧其一也周禮東南曰揚州戰國時地為楚分秦并天下置鄣會稽九江三郡

秦置鄣郡

史記秦紀始皇二十五年王翦定荆江南地二十六年分天下以為三十六郡裴駟注鄣郡第七張守節正義湖州長興縣西南一百八十里鄣郡故城是也見史貨殖傳注

胡三省通鑑注漢故鄣縣本秦鄣郡所治故曰故鄣今

廣德軍是故鄣縣之地宋志云丹陽尹秦鄣郡治今吳興之故鄣縣案秦治故鄣不在

今吳興案鄭元慶石柱記箋釋引吳興記云秦置故鄣

縣隸鄣郡然則故鄣為秦舊縣矣宋志作漢舊縣史無明文附

見於此

漢故鄣縣初屬荆國改屬吳國又改屬江都國後隸揚州

丹陽郡宋景定志丹陽辨戚氏曰丹陽史記作陽從阜

典並從阜晉宋唐三志並從木自餘或從阜或從木今從更記從阜為定也見南畿志今漢志從手尤非

漢書地理志丹陽郡注云故鄣郡所治屬江都武帝元

廣德州志

卷一

建置

四

封二年更名丹陽屬揚州統縣十七故鄣第六注云葬曰

侯聖顏師古注鄣音章舊州志云高祖四年封英布為

淮南王屬淮南國萬歷志七年置故鄣縣屬丹陽郡李

案漢書東帶江湖薄會稽為荆吳北界淮瀕略廬衡為

淮南諸侯王表又云今之會稽丹陽盡吳分也地理志詳考史

記荆世家及諸侯年表高祖六年劉賈為荆王王淮東

五十三城都吳十一年為英布所殺國除為郡十二年

更為吳國封劉濞為吳王景帝前元三年濞誅四年初

置江都立易王非為王漢書高紀六年春以故東陽郡

鄣郡吳郡五十三縣立劉賈為荆王注文潁曰東陽今

下邳鄣郡今丹陽吳郡今會稽也章昭曰鄣郡今故鄣

縣也後郡徙丹陽轉以為縣故謂之故鄣也吳江都二

國所有皆荆故地史劉濞傳王故荆地三郡五十三城

漢江都王非傳治故吳地師古曰濞

所居者晉志江都王并得故鄣郡會稽郡而不得豫章則前後鄣郡所屬較然明

矣淮南本名九江英布所封都壽春後分置豫章郡布

誅立王子長為王史記淮南厲王王故黥布地凡四郡

注徐廣曰九江廬江衡山豫章也初無鄣郡安得云屬

淮南王國乎蓋漢元封以前州刺史不常置郡受治於

廣德州志

卷一

建置

五

王國固不得略尤不得混門志謂屬荆吳江都三國極

有依據李志謂漢書及省志俱屬淮南輒為刪改謬矣

故鄣之立據章注當在元封改郡後亦非高祖七年鄣

亦作章古字通漢書劉濞傳吳有豫章郡銅山章昭曰

此有豫字誤也但當言章郡今故章也後景帝削吳豫

豫字史記地理志吳東有海鹽章山之銅蓋即章郡之

山章說得之

後漢故鄣城隸揚州丹陽郡

續漢書郡國志揚州刺史部丹陽郡十六城故鄣第劉

昭補注云秦鄣郡所治吳興記曰中平年分縣南置安
吉縣光和末張角亂此鄉守險助國漢嘉之故立縣中
平二年又分立原鄉縣酈道元水經注云中平二年改
故鄣之南鄉以爲安吉縣元和郡縣圖志廣德縣後漢
分故鄣縣置桐川志名勝志皆以爲後漢中平中置通
志則云後漢書中平無分立廣德之文當從宋志作吳
立案東漢分置之說大率因安吉原鄉例推之耳尙非
無因萬厯志直云光武中平二年分置廣德縣則大可
怪矣楊志同門李二志已悟其失去光武二字而職官門

光武置廣德令云云終不能改於是吳之張純爲東
漢之張純首列之宦績不知光武有元平無中平中平
乃靈帝年號也案南畿志云漢故鄣地鴻嘉初封中山
靖王後爲廣德國東漢分置廣德縣名勝志云成帝時
封雲客於廣德明一統志通志引之舊志同李志雲客訛雲克此說非也廣德
王所封地在今徽州府黟縣漢地理志丹陽郡黟縣第十
四師古曰黟音伊字本作黟音同注云成帝鴻嘉二年爲廣德王國莽
曰愨虜是也南畿志黟縣古蹟亦載之時黟雖與故鄣同郡而相距
五百餘里馬牛不及安得以名字偶同強爲牽合其誤

蓋始於水經注彼謂游江北歷黝山縣居山之陽故縣氏之漢成帝鴻嘉二年以為廣德王國封孫雲客為王於此晉太康中以為廣德縣分隸丹陽郡見漸江水條下道元燕人未涉南土間有傳訛但即年代論之雲客為中山靖王勝五世孫旁宗承統時中山國絕已五十三歲矣雲客無子國又絕十二歲哀帝續封其弟廣漢為廣平王亦無後平帝復立廣川惠王曾孫倫李志誤作輪為廣德王奉靖王後王莽時絕見景十三王傳諸侯王表互詳封爵此皆史所謂親屬疎遠不為士民所尊者廣平廣德虛假美名而已

廣德州志

卷一

建置

七

焉有絕於新室懸隔二百餘年至晉初尚遠襲其舊名者況廣德縣見於吳志不始於晉甯國府志辨中平分置為誤是也謂晉太

康二年立

近是亦誤黝自建安十三年孫權分隸新都郡

見吳志晉

初廣德又屬宣城郡道元所云分隸又誤也或謂廣德之名實始鴻嘉李志及甯國府志並云亦意揣之詞古今地名同

者多矣前漢地志沛郡建平侯國後漢沛國建平縣建安間孫權又分上饒為建平縣豈得謂今之建平始於漢乎

三國吳廣德縣隸揚州丹陽郡

吳志呂蒙傳從孫權討丹陽有功拜平北將軍領廣德長案廣德縣長始見於此故宋志以為是吳所立今考

孫權傳建安八年使韓當周泰呂蒙等為劇縣令長當樂

安長秦春穀長知蒙受任即在是年如嬪傳徐琨以督軍中郎

將從破廬江太守李術封廣德侯互詳職事在建安五

年見孫權傳注知立縣又在其前太史慈傳策已平定宣城

以東惟涇以西六縣未服周泰傳策討六縣山賊孫輔傳策討丹陽七縣蓋合宣城

數此在建安二年曰宣城以東則廣德在其中矣蓋白

揚州刺史劉繇遁逃諸郡守委城奔走之後凡諸葛恪

廣德州志

卷一

建置

八

所稱外縣平民者早為孫氏所有分土建邑當在斯時

篤而論之則漢末也故鄣在漢境宇遼遠故中平後遞

析為四而廣德尚稱劇縣故鄣亦號深險然漢故鄣與

吳故鄣已截然兩縣如吳朱治丹陽故鄣人傳言初為

縣吏中平五年拜司馬似尚為漢之故鄣後於黃武二

年封故鄣侯治自表屯故鄣鎮撫山越年餘卒又孫權

傳嘉禾十三年八月丹陽句容及故鄣甯國諸山崩又

廢太子和處故鄣此則為吳故鄣非今之廣德明矣談鑰

吳興志朱治墓在歸安縣南十二里但其時故鄣尚與廣德同郡或難區

別至孫皓寶鼎元年分故鄣屬吳興郡

分吳郡陽羨永安餘杭臨水四

縣丹陽郡故鄣安吉原鄉於潛烏程五縣立吳興郡治烏程見皓傳及注

其地在今湖州府

徐獻忠吳興掌故集云故鄣今安吉孝豐地是也

又云故鄣

今長興以南安吉以西地也原鄉在安吉之南今孝豐也唐高宗麟德元年并原鄉入安吉孝豐縣志云宏治

元年分安吉縣之九鄉設孝豐縣

自後故鄣為吳興所專

晉宋諸志故鄣並屬吳興

郡更非廣德所得而借南畿志舊志以朱治入人物已

屬通借至以宋裴松之齊邱寂之入職官

互詳後

則失考

甚矣

晉廣德縣隸揚州宣城郡

廣德州志

卷一

建置

九

晉書地理志揚州宣城郡太康二年置統縣十一廣德

第九又曰晉平吳分丹陽之宣城宛陵陵陽安吳涇廣德

甯國懷安石城臨城春穀十一縣立宣城郡理宛陵萬

歷志云晉太康二年為廣德縣時徙丹陽郡治於建業

與宛陵郡同隸揚州楊李等志因之皆失之不考

宋廣德縣隸揚州宣城郡武帝分置綏安縣隸南徐州義

興郡尋省

宋書州郡志揚州刺史宣城太守領縣十廣德令

第二何

志云漢舊縣一漢志並無疑是吳所立又南徐州刺史

義興太守領縣五綏安令第五武帝永初二年分宣城之

廣德吳興之故鄣長城及陽羨義鄉五縣立孔顛傳有

綏安令巢遂附詳職官宗越傳太宗封武念為綏安縣侯泰

始四年綏安縣省改封邵陵侯案析置之縣疆畛既分

彼詳則此宜略漢之安吉原鄉即其例也綏安為隋唐

名縣之始故特著之且義興本隸揚州明帝太始四年

割度南徐而綏安之省亦即在是年其省還本縣與否

志雖不詳要於廣德所分止五之一耳元和郡縣志云

廣德縣後漢分故鄣縣置宋為綏安縣仁壽三年屬湖

廣德州志

卷一

建置

州宋下疑有脫文否則隋字之訛舊志據之遂云宋以

廣德吳興宜興地置為綏安縣是有綏安無廣德矣

齊廣德縣隸南豫州宣城郡又分置石封縣一云梁置

南齊書州郡志南豫州刺史宣城郡領縣十一廣德

案南豫始晉自宋永初後廢置不常世祖永明二年割

揚州宣城等六縣復置而廣德實為宣城首邑南齊志

於南徐州義興郡注云永明二年割屬揚州後復舊所

領五縣綏安居殿與宋志同又不詳何時復置殆所謂

史闕不注者歟萬厯等志並云齊分綏安縣為石封縣

屬宣城郡考梁書韋叡蕭靈鈞皆為齊廣德令而叡任
在宋順帝昇明元年平沈攸之後則齊初尚未分也詳

職官

梁廣德縣隸南豫州廣梁郡

敬帝太平元年舊志俱依隋志作大梁今改

一云

分置石封縣

梁陳二書無志地理難稽五代史志

即今隋書十志

謂梁大同

年州一百七郡縣稱此臺城陷沒注記無遺郡縣戶口
不能詳究故於綏安但注舊曰石封改名焉梁末立大
梁郡又改為陳畱而已今考陳書大梁本名廣梁史因

廣德州志

卷一

建置

十一

避隋煬帝諱而改宗室陳詳傳高祖東征杜龕詳躬下
安吉原鄉故鄣三縣龕平資割故鄣廣德置廣梁郡以
詳為太守高祖踐祚改廣梁為陳畱又以為陳畱太守

陳擬傳詔曰廣梁太守詳可遂與縣開國侯

梁書敬帝紀紹泰元年正月震

州刺史杜龕

是年改吳興郡為震州見元和志

舉兵攻陳積於長城太

平元年正月龕降二年九月禪於陳此則太平元年廣

德隸廣梁之明據也知為南豫州者龕時為震州刺史

吳興太守遷南豫州刺史都督南豫州軍事

見南史梁書杜龕傳

廣德乃其所部故詳以平龕功割置郡以酬之也

詳表

其未資割以前當亦如齊屬宣城郡而史無正文互詳陳

南畿志梁分置石封縣明一統志舊州志皆因之通志

云綏安本宋置蓋梁改綏安為石封隋復改石封為綏

安也但隋經籍志雜家有梁綏安令徐僧權等華林遍

略六百二十卷則梁時綏安未嘗改石封也詳考隋志

地理所注郡縣置立北朝起後魏南朝起梁所稱舊曰

類非近代之名即宣城郡言之宣城舊曰宛陵秋浦舊

曰石城皆前漢舊名也石封既不見宋齊志而隋志獨

以為綏安之舊名必非無據恐是泰始四年省後復置

廣德州志

卷一

建置

三

曾別立此名而後仍還其故歟則舊志所云齊分為石封似為近之兩存其說闕疑之意也

陳廣德縣隸南豫州陳留郡

陳書高祖紀永定二年八月丙寅以廣梁郡為陳留郡

南史無此文其太守陳詳之外世祖時有張遂以討陳寶應

戰死見周迪等傳又高祖紀載梁敬帝太平二年九月以

南豫州之陳留南丹陽宣城揚州之吳興東陽等十郡

策封為陳公是時陳留尚名廣梁史追書之乃其隸南

豫則終梁陳之世無改可知隋世廣德以避諱改大德

志言省入綏安則領於陳畱亦可知

隋綏安縣隸揚州宣城郡

隋書地理志揚州宣城郡注云舊置南豫州平陳改為

宣州統縣六綏安第六注舊曰石封改名焉梁末立大梁

郡又改為陳畱郡平陳郡廢省大德故鄣安吉原鄉四

縣入焉孝豐縣志謂在文帝開皇九年元和郡縣志綏安縣仁壽二年

屬湖州大業二年移於今理屬宣州至德二年改名廣

德案今理即今州治故云西至宣州一百六十五里宣

州今甯國府其道里正同也蓋隋初并省之後廣德已

廣德州志

卷一

建置

十三

為廢縣至是徙還故治肅宗時遂追復舊名也吉甫以

唐人志唐地不應有誤然隋志作於貞觀間去仁壽更

近其屬湖州既不注綏安下吳郡烏程亦但云舊置吳

興郡平陳郡廢并東遷縣入焉仁壽中置湖州大業初

州廢無綏安來屬之文似尤得實也南畿志亦云屬湖州楊門李

志並云文帝以江左僑郡煩劇廢郡為州改陳畱為綏

安縣屬湖州則是改郡為縣矣隋志云開皇二年廢諸

郡洎定江表以戶口滋生析置州縣煬帝省諸州尋改

州為郡不聞以郡為縣也通志謂隋以廣德為大德當

從大業初改考煬帝為太子在開皇二十年明年改元仁壽凡郡縣帶廣字者皆改避其名不待即位也

唐綏安縣復改廣德縣隸江南西道宣州

元和郡縣圖志江南西道宣州管縣十廣德縣緊第八餘已

見前舊唐書地理志宣州隋宣城郡武德三年置宣州七

年廢桃州以綏安來屬天寶元年改宣城郡至德二年

又析置廣德縣乾元元年復為宣州舊領縣八天寶領

九今領十三廣德第三漢故鄣縣宋分置綏安縣至德二

年九月改為廣德以縣界廣德故城為名互詳新唐書

廣德州志

卷一

建置

十四

地理志宣州宣城郡縣八廣德第四緊唐縣有京畿赤望

本綏安武德三年以縣置桃州並置桐陳萬曆等志懷

德二縣七年州廢省桐陳懷德以綏安來屬至德二載

更名備國府志二作三又云仍隸宣城並誤然五代時

五代吳廣德縣隸宣州

五代南唐廣德縣隸昇州後稱西都江甯府

五代史職方考宣昇二州屬吳南唐通志引輿地記云

廣德縣吳屬金陵府南唐屬江甯府案馬令南唐書楊

溥天祚三年十月先主受吳禪改元昇元以建康為西

都戚光音釋昇州都金陵府以宣之當塗廣德并置蕪湖銅陵繁昌來屬及當塗爲雄遠軍復以池之青陽來屬與舊領上元江甯句容溧水溧陽爲十縣也吳任臣十國春秋吳世家楊溥武義二年秋改昇州大都督府爲金陵府天祚二年以金陵爲西都三年徐知誥改金陵爲江甯府地理表宣州注云吳仍唐舊南唐分當塗廣德入江甯府又西都江甯府注云昇州大都督府吳武義二年七月改爲金陵府南唐改江甯府建西都領縣十廣德第六注云舊屬宣州南唐來屬則楊吳時尙屬

廣德州志

卷一

建置

五

宣州未嘗屬金陵也萬厯甯國府志南唐先主昇元元年以甯國軍之當塗廣德隸江甯府南畿志一統志並云南唐改爲廣德制置司屬昇州門李志遂云五代俱屬南唐誤當依楊志梁唐俱屬吳晉天德四年屬南唐爲是制置司詳職官時宣州置甯國軍十國春秋吳太祖世家大順元年三月唐賜宣歙軍號甯國以楊行密爲節度使南畿志作唐昭宗景福元年

宋廣德軍領廣德建平二縣隸江南東路

建炎四年隸建康府路紹興初

仍隸東路

〔宋史地理志〕江南東路廣德軍同下州太平興國四年以宣州廣德縣爲軍縣二廣德望開寶末自江甯府隸宣州建平望端拱元年以郎步鎮爲縣來隸〔南畿志〕云南宋仍舊〔案〕軍監之名昉於唐軍以領兵監以牧馬五代史職官考云今置軍者徒以虛名升建爲州府之重是也郎步鎮者〔通志〕引〔桐川志〕云縣前有郎水以居民郎姓故名

元廣德路領廣德建平二縣隸江浙行省

〔元史地理志〕江浙行中書省江南諸道行御史臺廣德

廣德州志

卷一

建置

六

路下唐初以綏安縣置桃州後廢州改綏安爲廣德縣宋爲廣德軍至元十四年升爲路領司一縣二錄事司廣德中倚郭建平中甯國府志云江東建康道肅政廉訪司領建康甯國廣德等路〔明史地理志〕元廣德路屬江浙行省〔案〕〔萬厯志〕云至正十五年衆立元達爲萬戶守路後張士誠據吳廣德屬焉考〔明史張士誠傳〕元至正十五年遣弟士德由通州渡江入常熟此渡江之始也十六年二月陷平江并陷湖州松江常州諸路改平江爲隆平府據之不言廣德又〔明太祖實錄〕及平吳

錄載是年四月壬子士誠將趙打虎陷湖州有烏程歸
安德清武康四縣十七年二月丙午朔太祖遣耿炳文
劉成白廣德取長興九月丙戌廣興翼元帥費子賢率
兵取武康十八年元帥費子賢總管張德攻下安吉各
築城守之然則是時士誠所有凡與廣德接境之安吉
武康長興宜興皆嘗屬之獨不能有廣德寸土也卽陶
宗儀輟耕錄稱有花鎗軍出沒廣德與士誠互有勝負
亦未嘗言廣德屬士誠也又元史順帝紀至正十五年
六月大明皇帝自和州渡江取太平路十六年三月庚

寅明兵取集慶路又取鎮江路六月乙丑明兵取廣德
路明史太祖紀是年三月太祖改集慶路爲應天府六
月鄧愈克廣德自是之後徐達克常州徇宜興攻常熟
擒士德耿炳文費子賢等分守諸縣至二十三五等年
士誠所據南至紹興北有通泰高郵淮安濠泗汝穎又
北至濟甯之金溝東薄海計二千餘里太祖紀而廣
德終不爲所有何云屬乎誠傳並載

明廣興府領廣陽建平二縣尋改廣德府又改廣德州領
建平縣直隸南京

〔明史地理志〕南京廣德州太祖丙申年六月曰廣興府
洪武四年九月曰廣德州十三年四月以州治廣德縣
省入直隸京師領縣一建平〔南畿志〕明改廣德府以廣
德縣爲廣陽縣洪武四年改直隸州以廣陽建平屬之
十三年省廣陽入州明以十三府四州爲畿甸〔案〕太祖
紀云元至正十六年六月鄧愈克廣德卽丙申年也其
後二十七年洪武元二五等年免田租俱稱廣德未嘗
云廣興也〔南畿志〕載洪武五年十月免租詔曰應天太
平鎮江甯國廣德五府又云近京五府之民詳蠲恤則改

廣德州志

卷一

建置

六

州當在五年之後舊州志俱云洪武四年以糧不滿萬
改府爲州而縣名廣陽與南畿同未知何者爲是考明
太祖實錄及平吳錄至正十七年有廣興翼元帥費子
賢前見〔明史費子賢傳〕作廣德翼元帥而鄧愈傳自作廣
興翼元帥則知龍興之始新隸版圖升府更名〔史志〕確
有所據特不久復舊故記傳詔文皆追改之耳但縣省
入州之時志又不言廣陽何也今府名從〔史〕縣名從志
庶兩得之

國朝廣德州領建平縣隸江南省後隸安徽省

大清一統志廣德繁疲難建平繁難新纂

江南通志順治二年改南直隸爲江南置承宣布政使

司康熙六年分置安徽承宣布政使司廣德州直隸領

建平縣楊志曰明制直隸州不屬府轄順治十六年巡

按衛元有州歸府轄之疏士民條其不便者六事司道

僉議仍舊操撫宜公永特具貴

題其略曰據士民呼籲僉稱戶口鹽法府食於淮州食於

浙舊制沿革各有攸司若一旦改州屬府勢必紛更卽

此一端恐滋牽掣而所控六條皆可採聽且江南尙有

廣德州志

卷一

建置

九

滁和等州素稱直隸均非府轄又不獨廣德一州爲然

無事更張自應仍舊奉

旨俞允康熙六年知州楊苞申詳司院蒙批直隸三州從

無府轄之例止聽藩臬兩司注考永爲成例

案此所謂府蓋指甯國故曰府食於淮也直隸州屬

州之名始見明史

國朝因之楊守申詳意當時尙有持前說者故復請批示

門李志意爲刪削反欠分明今悉仍其舊惜所陳六

事不可得詳耳

以上胡志

咸豐三年粵匪踞安慶省城繼陷廬州府合肥以南州縣盡淪於賊徽甯池太廣隔大江賊氛徧布文報阻隔四年奉

上諭徽甯等屬暫歸浙江巡撫兼轄改安徽甯池太廣道為徽甯池太廣道亦稱皖南道加按察使銜專摺奏事並增

設皖南鎮總兵

咸豐十年二月廣德州陷於賊同治二年克復以徽甯池太廣道去按察使銜仍歸安徽省轄

廣德州志

卷一

建置

三

以上新安徽通志

沿革表

世次

周

敬王四十年

魯昭公十五年
年見史記表

秦始皇二十五

年

漢

廣德州志

揚州

州省轄

揚州

吳

郡軍路府州

縣

監御史

掌監郡
見漢官志

鄣郡

置守丞尉
見漢官志

治所後
名故鄣

揚州

漢初丞相
遣史分刺

鄣郡

守丞尉見
漢官志後

故鄣縣

州不常置武帝
元封五年始置

卷一

沿革表

三

部刺史周行郡

國未有所治或
改稱牧見漢官

志采地志後同

高祖六年

荆國

治吳
後同

十二年

吳國

景帝前元四

江都國

漢初王
自治其

年

國郡亦受治焉
景帝五年令不
得治國元封後
專以刺史治郡

武帝元封二

丹陽郡

治宛陵
見漢地

年

志後
同

後漢

揚州刺史部治 丹陽郡

故鄣城

壽春漢末移治 曲阿見吳志宋志

獻帝建安年

廣德縣

三國吳

揚州南齊志置 都督未見

丹陽郡治建業 見吳志

廣德長嘉禾年 升令

治所

晉武帝太康二年

揚州刺史治建 康見晉志

宣城郡治宛陵 見晉志

廣德縣

廣德州志

卷一

沿革表

三

宋

揚州刺史寄治 京邑孝武 大明三年罷州于湖見 隸南臺八年復南齊志 舊見宋志

宣城郡大明六年徙治

廣德令

太宗泰始四年

南徐州治京口 見南齊志

義興郡

綏安令新唐地 志長城

年

縣武德四年置 綏州因古綏安 縣名之長城今 長興也與廣德 接界

齊世祖永明二年

南豫州晉宋置 廢不常

宣城郡

廣德縣

年

齊初省是年割 揚州宣城淮南

石封縣通志云 梁分置

等六郡復置刺
史治歷陽見齊
志後

今廣德州有
石封故縣

梁高祖普通七
年治合肥
太清元
年治壽春見
梁高祖紀

敬帝太平二
年

廣梁郡

廣德縣

陳高祖永定二南豫州
年

陳畱郡廣梁陳
畱二郡廣德縣
陳書但言割廣
德故鄣置不知
所治案輿地廣
記輿地紀勝俱

廣德州志

卷一

沿革表

三

云長興安吉梁
陳屬陳畱郡則
其治不外此四
縣矣宋齊志豫
州有陳畱郡隋
志汝陰郡潁陽
舊曰陳畱梁置
陳畱郡後屬東
魏又揚州淮南
郡安豐梁置陳
畱安豐二郡開
皇初廢皆非此
陳畱也蓋梁有
三陳畱郡云

隋高祖開皇三揚州
年

宣州

綏安縣

煬帝大業
揚州置刺史治江都徙治宣城郡

唐高祖武德三
江南西道採訪使治桃州

綏安縣
桐陳縣
懷德縣

七年

宣州置都督見舊唐志綏安縣

載
肅宗至德二

宣城郡天寶元年改後復為宣州見舊唐志廣德縣緊

五代吳

甯國軍節度使大順元宣州

廣德縣

廣德州志

卷一

三

年賜宣歙軍號以楊行密為節度使

南唐

西都昇州大都督府改建江甯府門志保大年改廣德縣

西都見南唐書廣德制置司屬江甯府

宋

江南東路建康軍節度使建炎元年為帥府屬建康路紹興初復舊見宋史志

太祖開寶八

宣州

廣德縣文獻通考南唐宣州領縣六宋因之開寶未以

太宗太平興

國四年

廣德軍 治廣德 見文獻

廣德蕪湖繁昌
來屬太平興國
二年以蕪湖繁
昌屬太平州

端拱元年

廣德軍

廣德縣 望

元世祖至元十江浙行中書省廣德路

下置總管府十

廣德縣 中一萬戶以上

廣德州志

卷一

沿革表

三五

四年

舊志作江南諸道行御萬戶以下為中

今從

元史臺治揚州徙路又置錄事司縣

建平縣 中

徙建康天曆三事二千戶以上

置之見元官志

明太祖丙申年江南行中書省廣興府

廣陽縣

治應天府洪武元年罷行省立南京直隸中書省見明志

洪武年

廣德州

廣陽縣

十四年

直隸南京

初稱京師

廣德州

建平縣

建平縣

永樂元年仍稱
南京見明志

國朝

世祖順治二年江南承宣布政廣德州

建平縣

使司

駐江甯十八年以左

布政領之

聖祖康熙六年安徽承宣布政廣德州

建平縣

使司

駐江甯乾隆二十六年移駐

安慶

文宗咸豐四年按察使銜徽甯廣德州

建平縣

廣德州志

卷一

沿革表

三

池太廣道

駐甯國暫

歸浙江巡撫兼轄同治三年罷

志地首重沿革沿革不明猶不志也舊乘相仍既多

訛漏正史所載亦俟參稽沈隱侯嘗言名號驟易境

土屢分地理參差其詳難舉誠哉綜覈之難也茲以

今治為準望逆溯周秦以來旁考曲證務期土斷分

明列表必詳隸治者維繫所存且州名直隸上有所

統下有所領尤不容略按循世次綱舉目張庶覽者

展卷即得焉

以上胡志案咸豐四年以後新增

廣德州志

卷一

沿革表

二十七

